



**Claudii Fleurii Abbatis Historia Ecclesiastica**

Ab Anno Christi 1312 Usque Ad Annum 1351

**Fleury, Claude**

**August. Vind. [u.a.], 1767**

**VD18 9011826X**

§. 12. Errata ejurat sua.

---

[urn:nbn:de:hbz:466:1-66305](#)

in veste profana, non ausus in sua com- Sæcul. XIV.  
parere. A.C.1330.

§. XII.

*Petrus Corbarius errata ejurat  
sua.*

Postridie suum adventum, nempe die sabbati 25 Aug. 1330 aderat in se- natu publico coram Papa & Cardinali- bus. Quo melius spectaretur ab omni- bus, erectum pro illo pegma fuerat: quod conscendit religiosa sui Ordinis veste in- dutus: & coepit loqui pro themate su- mens filii prodigi verba: *Pater! peccavi* *Lue.15.v.18* *in cælum & coram te.* Tum fatebatur ac ejurabat cunctos errores, in quos dela- plus esset accipiendo titulum Papæ, ac Ludovici Bavari, & Michaëlis Cæsenatis partes sequendo. Sed, ut erat defatiga- tus itinere, tristitiaque ac pudore obru- tus, præter strepitum præsentium, defe- cit eum vox, nec poterat absolvere ser- monem suum. Papa & ipse verba facie- bat, & quidem de officio boni pastoris, ut ad gregem reducat ovem perditam. Cum Petrus de pegmate descendisset, fu- nem circa collum gerens ac solutus in lacrymas Papæ ad pedes accidit: qui dempto fune sublevatum ad oscula suo- rum pedum, manuum, & oris admisit multis

*Rayn. n. 12.*

" 13.

**Sæcul. XIV.** multis mirantibus. Postea incepit hy-  
**A.C. 1330.** mnum Ambrosianum : quem postquam  
 Cardinales ac cæteri continuaverant,  
 rem divinam solenni ritu confecit in a-  
 ctionem gratiarum.

**n. 14.**  
**v. PP. p. 145.**

Reliqua Petri confessio dilata est in  
 sextam Septembris : qua rursum præ-  
 sens, sed in conclavi secretiore Consilii  
 pontificii, dicebat in hanc sententiam.  
 Etsi jam Pisis fecerim publicam ejuratio-  
 nem meam, & absolutus fuerim : volo  
 tamen iterum fateri ac ejurare delicta  
 mea coram Sanctitate tua & facro colle-  
 gio Cardinalium. Primum proinde con-  
 fiteor, cum Ludovicus Bavarus advenis-  
 set Romam, Ordinis Minorum Ministrum  
 Provincialem, tuumque Legatum Ioan-  
 nem Cardinalem Diaconum de S. Theo-  
 doro mihi Fratribusque cæteris in urbe  
 illa hærentibus palam, ut inde abiremus,  
 mandasse sub anathematis poena, si mo-  
 rem non gereremus. Remanebam ta-  
 men, etiamsi adeisset Ludovicus cum  
 multis aliis schismaticis ac hæreticis : ne-  
 glectoque interdicto, quo urbem juste  
 affeceras, divina officia sæpius perage-  
 bam.

Deinde, postquam Ludovicus ibi co-  
 ronatus Imperator te publicam per sen-  
 tentiam abdicato, in Papam me aut po-  
 tius in Antipapam elegerat : decipi me  
 patiebar credebamque orantibus cum illo  
 plurimis

plurimis Romanis Clericis laicisque, qui s<sup>e</sup>c<sup>u</sup>l. XIV.  
ab Imperatore Papam gradu moveri, & A.C. 1330.  
alium ei suffici posse ajebant. Ita per  
ambitionem damnandam consensi hanc  
in electionem; atque me consecrari a Ja-  
cobo antea Castelli Episcopo, coronari  
autem a Ludovico Bavarо sinebam: ad  
quem tamen hoc jus non pertinebat;  
immo ne tum quidem, si verus & ille  
Imperator, & ego Papa fuissimus. Præ-  
terea Cardinales falsos, ac totidem mu-  
nerum Præfectos, quot Papa verus ha-  
bere solet, creavi: de sigillo mihi provi-  
di: meumque ac Ludovici statum, sicut  
etiam Michaëlis Cæsenatis dogmata fal-  
sa melius ut confirmarem, per plenam  
potestatem meam rata habui, ea quæ  
Ludovicus statuerat contra te tuasque de-  
cisiones de paupertate Christi. Sic fa-  
ctum est, ut in hæresim a te damnatam  
caderem.

Adhæc Regibus ac Principibus mit-  
tebam litteras, in quibus multas tibi ca-  
lumnias aspergens, te a Ludovico &  
a me exauthoratum dicebam monebam-  
que illos, ut ne obedirent tibi, aut in  
ulla re faverent, sed ut nobis contra te  
ferrent suppetias. Romæ multisque a-  
liis in locis Clericos seculares ac Reli-  
giosos ad persolvendum officium divinum  
compuli contra tuum interdictum. Ea-  
dem in urbe & alibi Ecclesiis imposui  
*Hist. Eccl. Tom. XXIII.*      B b tri-

**Sæcul. XIV.** tributa, quorum nomine calicibus eas & ornamentis spoliabam suis. Ademptas multis catholicis dignitates sacras & beneficia hæreticis ac schismaticis conferbam, plerumque per mercatum sacrilegum. Gladium sacrum profanumque adhibui contra Fratres Minores Michaëlem Cæsenatem non agnoscentes suum Ministrum Generalem, vel observantes interdicta per te aut tuos pronunciata. Noxarum condonationes, ac legum gratias faciebam Supremæ Sedi reservatas. Quibusdam in locis de patrimonio S. Petri aliquid alienavi ad tempus, & aliquoties in perpetuum. Agnosco hæc acta omnia esse irrita ex penuria potestatis; eaque revoco, quatenus possum. Cæterum fidem eandem teneo, quam Romana Ecclesia, & tu, Sanctissime Pater, colitis ac docetis.

p. 151.

*Svnd. con-*  
*tit. 1330. n. 7*

Papa dein absolutum in Ecclesiæ simum recepit, reservans sibi arbitrium pœnæ congruae viro irrogandæ. Confessæ sunt eodem die tabulæ publicæ de tota re: ac Petrum Corbarium Papa leniter comiterque admisit ad pœnitentiam. Securitatis tamen gratia, & sinceritatem mutati animi experturus honesto inclusum carceri ut amicum tractari, & custodiri ut inimicum voluit. Hæc sunt verba Bernardi Guidonis Lutevani Episcopi, qui scribebat tum temporis,

&

& hic finiebat sua de Summis Præsulibus <sup>secul. XIV.</sup>  
chronica Joanni XXII dedicata. Cubi- <sup>A.C. 1330.</sup>  
culum, ubi Petrus asservabatur, erat sub  
ærario: eodem, quo Papa, cibo aleba- <sup>J. Vill. l. 10.</sup>  
tur: habebat libros, quos legeret: sed <sup>c. 64.</sup>  
nemini cum eo colloquendi copia daba-  
tur: Sic vivebat annis tribus & uno  
mense; decepsit pœnitens, ac in veste re-  
ligiosa honorifice sepultus est Avenione  
in templo Fratrum Minorum.

Vix Petrus in potestatem Papæ ve- <sup>Rayn. n. 26.</sup>  
nerat: cum is tam lætum nuncium ad  
Præsules Principesque misit. Scripsit  
Hugoni Vesuntino Episcopo Parisiensi, ut  
eum cum Universitate communicaret.  
Scripsit Regi Philippo Valesio, quidquid  
factum erat ab ejuratione Pisana usque  
ad Avenionensem: ac eadem epistola  
missa est ad Reges Siciliæ, Arragoniæ,  
Castellæ, Lusitaniæ, Majoricæ, Hungariæ,  
ac Poloniæ. Pisani & Comes Bonifa-  
cius magnam a Papa gratiam inierant  
tradendo Petrum. Denique Cardinalem  
Joannem de S. Theodoro suum Romæ  
Legatum voluit curare, ut ibi pro extin-  
cto schismate Deo grates in templis habe-  
rentur; & Romani ad Reges ac Princi-  
pes scribendo improbarent omnia, quæ  
Ludovici Bavari & Antipapæ causa e-  
gissent.

#. 27.